

आकाशवाणी

खबरां -----

1. सरकार दा दावा ऐ जे अगली पीढी दे जीएसटी सुधारें कन्नै त्यौहारी बिक्री गी बढ़ावा थ्होआ'रदा ऐ ते जीएसटी दर च कटौती दा लाह उपभोक्ताएं गी थ्होआ'रदा ऐ।
2. रक्षा मंत्री राजनाथ सिंह ते उत्तर प्रदेश दे मुख्मन्त्री योगी आदित्यनाथ होरें लखनऊ च निर्मित ब्रह्मोस मिसाइल दी पैहली खेप गी हरी झंडी दस्सी।
3. बिहार च विधानसभा चुनां दे पैहले चरण लेई नामांकन पत्रें दी जांच जारी ऐ।
4. भारत कौल हुन दुनिया दा दुआ सभनें शा बड्डा 5 जी नेटवर्क ऐ, आखेआ इलेक्ट्रानिक्स ते आई.टी मंत्री अश्विनी वैशणव होरें।
5. देश दे बक्ख-बक्ख हिस्सें च अज्ज धनतेरस दा त्यौहार मनाया जा'रदा ऐ।
6. भारती तीरंदाज ज्योति सुरेखा वेनम नै चीन दे नानजिंग च विश्व कप फाइनल च कैहू दा तगमा जित्ती इतिहास रची दित्ता ऐ।



FM-GST

केंद्री खजाना मंत्री निर्मला सीतारमण होरें आखेआ जे जीएसटी 2.0 सुधारें देश दी अर्थ बवस्था गी बड़ा बढ़ावा दित्ता ऐ। इसै करी त्यौहारी सीजन दरान इलेक्ट्रानिक्स,

आटोमोबाइल ते उपभोक्ता वस्तुएं जनेई प्रमुख क्षेत्रें च रिकार्ड बिक्री होई ऐ। ओह अज्ज नमी दिल्ली च सूचना ते प्रसारण मंत्री अश्विनी वैशणव ते वाणिज्य ते उद्योग मंत्री पीयूष गोयल हंदे कन्नै जीएसटी बचत उत्सव पर संयुक्त संवाददाता सम्मेलन गी संबोधित करा'रदियां हियां। वित्त मंत्री होरें आखेआ जे जीएसटी दरें च कटौती दा लाह आम आदमी तोड़ी पुजा करदा ऐ।

<><><><><><>

### GST-Bachat Utsav

जीएसटी बचत उत्सव उप्पर वाणिज्य ते उद्योग मंत्री पीयूष गोयल होरें आखेआ जे नवरात्रें दरान वाहनें दी बिक्री च उछाल आया ऐ ते इलेक्ट्रानिक्स क्षेत्र च बी पिछले रिकार्ड तोड़ी दित्ते ना। उनें आखेआ जे ऐसे अस्थिर वैश्विक पररिदख दे बावजूद देश दी विकास दर इन्नी मजबूत ऐ जे अंतरराष्ट्री मुद्रा कोष गी बी देश दी विकास दर दे अपने पूर्वानुमान गी संशोधित करी 6.6 फीसद करना पोग।

<><><><><><>

### GST-Diwali

देआली औने दे कन्नै गै हाल च जीएसटी सुधारें कन्नै उपभोक्ताएं गी राहत थहोई ऐ ते त्यौहार दे मौसम आस्तै कीमतें च समेंसिर कटौती कीती गई ऐ। थोक कीमतें च बड़भू मती गिरावट आई ऐ, जेह्दे कन्नै खरीददारें आस्ते उत्पाद मते सुलभ होई गए ना। इनें बदलावें कन्नै मुकामी अर्थ बवस्था गी बढ़ावा थहोग ते परौआरें गी त्यौहारें दरान अपनी जरूरत दे समेयान आस्ते खर्च गी शैल चाल्ली प्रबंधित करने च मदद थहोग। खरीदारें गी

मेद ऐ जे इस देआली पर मते किफायती विकल्प ते खरीदारी दा मता सुखक अनुभव हासल होगा।

<><><><><><>

## DM-Brahmos

रक्षा मंत्री राजनाथ सिंह होरें अज्ज आखेआ जे पाकिस्तान दा पूरा इलाका ब्रह्मोस मिसाइल दी पुज्ज च ऐ ते आपरेशन सिंदूर दरान जे किश बी घटेआ ओहू छड़ी इक झलक गै ऐ। उनें एहू गल्ल उत्तर प्रदेश दे मुखमंत्री योगी आदित्यनाथ हुं'दे कन्नै उत्तर प्रदेश दे लखनऊ च ब्रह्मोस एयरोस्पेस सुविधा च बनाई गेदी मिसाइलें दी पैहली खेप दा उद्घाटन करने दे बाद आक्खी। इस मौके पर रक्षा मंत्री होरें आखेआ जे ब्रह्मोस भारत दे सशस्त्र बलें दा इक महत्वपूर्ण हिस्सा बनी गेदा ऐ ते एहूदे कन्नै राष्ट्र दी महत्वकांक्षाएं गी पूरा करने दे समर्थ गी होर मजबूत कीता ऐ।

<><><><><><>

## Bihar-Elections

बिहार विधानसभा चुनां दे पैहले चरण लेई अज्ज नामांकन पत्रें दी जांच जारी ऐ। इस चरण लेई कुल 1 ज्हार 698 नामांकन पत्र दाखल कीते गए। मेदवार इस म्हीने दी 20 तरीक तोड़ी अपना नामांकन वापस लेई सकदे ना। पैहले चरण च अगले म्हीने दी 6 तरीक गी 18 जिलें दे 121 विधानसभा क्षेत्रें च मतदान होगा। तोआई, सी.पी.बाई (एम.एल) नै 20 मेदवारें दी सूची जारी कीती। इस बारी बी सी.पी.बाई (एम.एल) नै अपने सब्बे 12 मजूदा विधायकें गी फ्ही मेदवार बनाया ऐ।



## ECI-Bihar

चुनांऽ आयोग नै घोशणा कीती जे बिहार विधानसभा चुनांऽ ते 7 राज्यें दी 8 सीटें दे उपचुनांऽ आहले ध्याड़े सब्बे कर्मचारी जिंदे च दैनिक ते अस्थाई कर्मचारी बी शामिल न, सवेतनिक छुट्टी दे हकदार होइन्। आयोग नै दस्सेआ जे मतदाता अपने चुनावी क्षेत्र थमां बाहर करार देन , मगरा मतदाता दे रूपै च पंजीकृत हैन, उनें बी इस सुविधा दा लाह थहोग। आयोग नै आखेआ जे इस कदम दा मकसद मतदान प्रतिशत बढ़ाना ऐ।



## Vaishnav-5 G

केंद्री इलेक्ट्रानिक्स ते सूचना प्रौद्योगिकी मंत्री अश्विनी वैशणव होरें आखेआ जे देश दी 5जी प्रगति नै विश्व गी हैरान करी दित्ता ऐ। देश च दूर संचार दे तेजी कन्नै बधदे नेटवर्क पर लो पांदे होई उनें आखेआ जे देश दे 90 फीसदी हिस्सें च 5जी नेटवर्क पुज्जी चुके दा ऐ। नमीं दिल्ली च आयोजित इक वैश्विक सम्मेलन च केंद्री मंत्री होरें आखेआ जे भारत दुनिया च दुआ सभनें शा बड्डा 5 जी नेटवर्क आहला देश बनी गेआ ऐ जित्थे दूर-दराज दे इलाकें च बी कनेक्टिविटी दी सुविधा पुज्जी ऐ।



## PM-Naxalism

प्रधानमंत्री नरेंद्र मोदी होरें जोर देइयै आखेआ जे देश थमां नक्सलवाद ते माओवादी हिंसा तौले गै पूरी चाल्ली खत्म होई जाग। उनें आखेआ जे पिछले 11 बरें च माओवादी

आतंकवाद थमां निब्वडने लेई ठोस प्रयास कीते गए ना। श्री मोदी होरें कल नमीं दिल्ली च इक वैश्विक सम्मेलन च एहू गल्ल आक्खी। प्रधानमंत्री होरें आखेआ जे माओवादी आतंकवाद देश दे युवाएं प्रति मते बडे अन्याय ते गंभीर पाप ऐ। उनें आखेआ जे पिछले दाहके च जारें नक्सलवादिणं हिंसा दा रस्ता छोड़ियै आत्मसमर्पण कीता ऐ। एहदे च पिछले 75 घंटें च गै 303 नक्सलवादिणं दा आत्मसमर्पण शामिल ऐ। प्रधानमंत्री होरें आखेआ जे 11 बरें पैहले 125 जिले नक्सलवाद थमां प्रभावित हे जिंदी गिनतरी हुन मात्र 11 रेई गेदी ऐ।

<><><><><><>

## Fastag-Annual Pass

इस त्यौहारी रूतै च इस ब'रे अगस्त म्हीने जारी कीते गेदे फास्टैग सलाना पास कुसै गी देने लेई इक मनपसिंद तोहफा बनदा जा करदा ऐ, जिसी कुसै बी दोस्त-रिश्तेदार गी देइयै समूलचे मुल्लवै च ओह्दी सुविधाजनक आओजाई यकीनी बनी सकदी ऐ। एहू फास्टैग मुल्लवै च कुदरै बी एक्सप्रेस-वे या जरनैली शिडकें पर 1 ज्हार 150 टोल प्लाजाएं पर लागू ऐ ते लोकें इक-दुए गी एहू तोहफे दे रूपै च भेंट करै करदे ना। एहू फास्टैग राजमार्ग यात्रा ऐप राएं कुसै गी भेंट कीता जाई सकदा ऐ। इक बारी 3 ज्हार रपे देइयै एहू फास्टैग हासल कीता जाई सकदा ऐ ते साल भर कुसै दिक्कत परेशानी दे मुल्लव भरै च 200 तगर टोल प्लाजा पार करी सकदे ना। पिछले 2 म्हीने दरान 25 लक्ख कोला मते लोकें इसी हासल कीता ऐ ते 5 करोड़ 67 लक्ख बारी लोकें टोल प्लाजा पर एहदा इस्तेमाल कीता ऐ।



## Dhanteras

देश भर च अज्ज धनतेरस दा त्यौहार मनाया जा'रदा ऐ। अज्ज थमां देआली दे उत्सवें दी शुरुआत होई जंदी ऐ जिस च अज्जै थमां देआली दे उत्सवें दी शुरुआत बी होई जंदी ऐ, जिं'दे च नरक चतुर्दशी, देआली, गोवर्धन पूजा ते टिक्के दा ध्यार शामिल ना। धनतेरस गी धन त्रयोदशी ते धन्वंतरि जयंती दे नांऽ कन्नै बी जानेआ जंदा ऐ। इस शुभ ध्याड़े पर, लोक भगवान धन्वंतरि, भगवान कुबेर ते देवी लक्ष्मी हुं'दी पूजा करदे न ते सुन्ने जां चांदी दिआं चीजां ते नमें भांडे खरीदा बी शुभ मन्नदे ना। प्रधानमंत्री नरेंद्र मोदी होरें अज्ज धनतेरस दे मौके पर लोकें गी शुभकामनां दित्तियां। श्री मोदी होरें सोशल मीडिया पोस्ट च इस मौके पर सभनें दी खुशी, समृद्धि ते अच्छे स्वास्थ्य दी कामना कीती। केंद्री मंत्री अमित शाह ते भारतीय जनता पार्टी दे अध्यक्ष जे.पी नड्डा होरें बी इस मौके पर लोकें गी ममाखां दित्तिया।



## World-Archery

भारती तीरंदाज ज्योति सुरेखा वेननम होरें चीन दे नानजिंग च आयोजित तीरंदाजी विश्व कप फाइनल च कैंप दा तगमा जित्तियै इतिहास रची दित्ता। ओहू भारत दी पैहली महिला कम्पाउंड खडारी हैन जिनें इस प्रतियोगिता च तगमा हासल कीता। ज्योति होरें ब्रिटेन दी दूसरी वरीयता प्राप्त एला गिब्सन गी 150-145 कन्नै कराया। एशियाई खेड्डें दी

चैंपियन ज्योति होरें क्वार्टर फाइनल च अमरीका दी एलेक्सिस रूइज गी हराइयै अपने अभियान दी शुरूआत कीती।



## HM-Statehood

केंद्री गृह मंत्री अमित शाह होरें अज्ज यकीन दोआया ऐ जे जम्मू-कश्मीर राज्य दा दर्जा स्हेई समा औने पर ब्हाल करी दित्ता जाहगा। पटना च इक मीडिया कान्क्लेव च बोलदे होई गृह मंत्री होरें आखेआ जे दफा 370 दे ढाए जाने दे बाद जम्मू-कश्मीर च हालात च काफी हद तगर सुधार होआ ऐ। पिछले 9 म्हीने दरान उत्थे बी नमा नौजवान आतंकवाद च शामिल नेई होआ ऐ। शाह होरें जम्मू-कश्मीर च हाल च होई दिएं लोकतांत्रिक ते विकास गतिविधिएं दा बी जिक्र कीता जिंदे पंचैती चुनांऽ, मुंसिपल चुनांऽ ते औने आहले राज्यसभा दे चुनांऽ बी शान न, दा बी जिक्र कीता ते आखेआ जे एह सब इस गल्लै दी सारत ऐ जे प्रदेश च स्थिरता ते शासन खरी चाल्ली कायम होआ करदा ऐ।



## Nagrota-Nominations

नगरोटा विधानसभा हल्के दे औहने आहले उप-चुनांऽ आस्तै भारती जनता पार्टी दियां मेदवार देवयानी राणा ते साबका मंत्री हर्षदेव सिंह, जेहडे इक आजाद मेदवार दे तौर पर चुनांऽ लड़ज्ञ'रदे न, होरें अज्ज अपने-अपने नामांकन पत्र दाखिल कराई दित्ते। एहदे कन्नै गै इस सीट आस्ते चुनावी प्रक्रिया औपचारिक तौरा पर शुरू होई गई ऐ। एह उप-चुनांऽ 11 नवंबर गी होने आहले न ते मतदान आहले ध्याडे छुट्टी घोशित कीती गई ऐ। तोआई, उप-

चुनांऽ लेई तैयारियां जोरें-शोरें कन्नै चला'रदियां ना। मुख्ख चुनांऽ अधिकारी संजीव वर्मा होरें जंदे रोज इक बैठक लाइयै तैयारियें दा जायजा लैता। दस्सेआ गेआ ऐ जे 97 ज्हार 993 वोटरें आस्ते 150 मतदान केंद्र कायम कीते गेदे न, जिंदे राहें आदर्श आचार संहिता दे मताबक गै स्वतंत्र, निरपक्ख ते समावेशी मतदान यकीनी बनाया जाई सकोग।

<><><><><><>

### Mozambique India National

मोजाम्बिक च इक टैंकर दे चालक दल दे सदस्यें गी लेइये जा'रदी इक लांच बोट दे पलटी जाने करी घट्टोघट्ट त्रै भारती नागरिकें दी मौत होई गई ऐ ते 5 होर लापता ना। मोजाम्बिक स्थित भारती उच्चायोग नै दस्सेआ जे एहू घटना कल होई। नाव च कुल 14 भारती नागरिक सवार हे। तट पर लंगर पेदे इक जहाज पर चालक दल दे सदस्यें नियमित स्थानंतरन दरान पलटी गई। सोशल मीडिया पर कोई पोस्टें च भारती उच्चायोग नै जानमाल दे नुकसान पर अपनी संवेदना व्यक्त कीती। उच्चायोग नै अगगे पुष्टि कीती जे दुर्घटना आहली थाहरा 5 भारती नागरिकें गी सफलता कन्नै बचाई लैता गेआ ऐ ते ओह सुरक्षित ना।

<><><><><><>